



## **SOMOS ASTURIAS: Candidatures ciudadanes d'unidadá popular en 7 pasos**

L'Asamblea Ciudadana Municipal va apostar por aportar a les elecciones con una agrupación d'electores col nome SOMOS (NOME DEL CONCEYU). En proclamando les/os secretaries/os xenerales de PODEMOS y los conseysos ciudadanos respectivos, nel so casu, comprométense a llevar alantre'l procesu de construcción de candidatures d'unidadá popular. El/la Secretariu/a Xeneral y el Conseyu Ciudadanu comprometeráense a seguir el siguiente calendariu escolar, ensin l'amenorgamientu de les xeres que s'avanzaren primero en contactu con actores sociales y elaboración de programes:

### **PRIMER PASU [5 - 18 de xineru] Pre-diagnósticu participativu ya identificación de los actores claves**

En primer llugar, el círculu, xunto a les persones qu'ocupen la Secretaría Xeneral y el Conseyu Ciudadanu, formula un pre-diagnósticu participativu de la problemática económica, social y ambiental nel so territoriu, y de les necesidaes qu'el programa tien qu'abordar [ver cuadru anexu III]. Esti prediagnósticu básase na intuición y na conocencia esperta del grupu, val como puntu de partida del procesu y validaráse, enmendaráse y desenvolveráse depués pola ciudadanía y los axentes sociales. Nel análisis diagnosticarásen tamién potenciales acciones pa facer visibles estes problemátiques, y les soluciones tentatives. Eses acciones diagnosticadaes puen ayudar nel diseñu futuru de la campaña electoral, faciendo visibles esos problemes y contando cola collaboración de los axentes clave.

Esto nun esclúi un alderique previu y simultáneu del programa municipal y de la candidatura. Han llevase alantre proyectos de diagnósticu participativos de los problemes y les necesidaes del territoriu, identificando en segundu llugar a los axentes clave que participaron en protestes, movilizaciones y desenvolvimientu de propuestes. Habien facese posteriormente xuntes y alcuentros colos axentes clave (movimientos sociales, asociaciones de vecinos, organizaciones sociales) detectaos nel análisis.

Nesta fase tendría llugar la interacción con organizaciones, asociaciones y movimientos sociales del conceyu. **SOMOS nun ye la marca blanca de PODEMOS sinon una ferramienta ciudadana abierta a cualquier ciudadana/u que va participar d'igual a igual qu'el restu de persones na toma de decisiones.** La base de SOMOS ye la capacidá de decidir de la ciudadanía, articulando nueves formes de participación y decisión. Esta iniciativa quier ganar los conceyos pa la xente, non pa los profesionales de la política y por eso'l primer pasu pa intervenir en política ha venir de les asturianos y asturianas que quieren facese fuertes y ser parte de SOMOS. El procesu ta abiertu a la participación de tola ciudadanía, pero nun ye abondo habilitar un formulariu pa unviar suxerencies. El círculu confeccionará a lo llargo del mes de xineru una rrellación de toles organizaciones sociales qu'han facer parte nel procesu: asociaciones de vecinos, movimientos sociales, colectivos sectoriales y de trabajadores, asociaciones culturales, deportives, recreatives, grupos ambientalistas, etc., con prioridá p'aquellos qu'atropen a colectivos especialmente castigaos pola crisis. Va identificar d'esta miente a les persones con una aportación, a títulu individual que pue resultar arriquecedora pal procesu, bien pola so cualificación nuna materia determinada, la so reputación o reconocencia social. Enantes del 31 de xineru pesllaráse'l formatu, actores y característiques de la candidatura municipal.

### **SEGUNDU PASU [19 - 31 de xineru] Convocatoria d'un Alcuentru Ciudadanu, Elaboración y Refrendu del códigu éticu y recoyida d'avales**



axentes sociales y políticos, participantes en PODEMOS, y la ciudadanía en xeneral. Nesi primer Alcuentru va facese un alderique al rodiu del calendariu del procesu y l'adaptación municipal del códigu éticu. A partir d'ehí entamará'l procesu de refrengu del códigu éticu y de recoyida d'avales.

Cola idea de proponer, enantes qu'imponer a la ciudadanía, apostamos por **recoyer un 1% d'avales** correspondientes al númberu d'habitantes de cada conceyu onde se pretenda llevar alantre la candidatura de SOMOS. Esti pasu va ser obligao pa los conceyos con más de 50.000 habitantes. Llanzarásela entuga: **¿Queréis que SOMOS ASTURIAS presente candidatures d'unidá popular y ciudadana pa les elecciones municipales?** Esta entuga va poder dir acompañada del códigu éticu ellaboráu na fase anterior, qu'en casu de recoyese los avales necesarios, quedará automáticamente avaláu. El **códigu éticu** ye una parte central nel llanzamientu de la iniciativa SOMOS y el nuesu principal rasgu diferencial. Pa ello va presentase un códigu éticu como base pa la so discusión.

Los inscritos como avalistes van poder valir como base del censu pa facer les votaciones n'Internet de les llistes. Asina mesmo, valdránnos tamién de base pa contactar posteriormente na fase de recoyida de firmes y formalizar l'agrupación d'electores. Desendolcarásela un formulariu asemeyáu, dende la páxina de SOMOS Asturias, al que s'entamó n'otros proyectos municipalistes:

Recoyida d'avales en Barcelona: <https://guanyembarcelona.cat/signa/#adhesions>

Recoyida d'avales en Madrid:

<http://ganemosmadrid.info/buscamos-a-30-000-personas-que-quieran-ganar-madrid/>

**TERCER PASU [19 de xineru - 28 de febreru]** Elaboración del programa municipal: alderique per Internet, asamblees presenciales nel conceyu y xuntes con organizaciones ciudadaes.

Nesta fase habría trabayase na elaboración d'un programa integral p'Asturies y afitar conexiones ente problemes comunes a dellos conceyos. La elaboración del programa electoral tien dos funciones principales. En primer llugar, llevar alantre la participación y movilización ciudadana, xenerando redes con perfiles de persones profesionales, técnicos o procedentes de los movimientos sociales. El métodu en que SOMOS ellabore'l so programa electoral pue ayudar a texer llazos con amplios sectores del activismu social y ciudadanu. Per munchu tiempu foron estos sectores los que trabayaron directamente alreduro de los problemes ciudadaes xenerando respuestes y soluciones ellí onde l'alministración nun s'esmoecía. En segundu llugar, la elaboración del programa val pa proyectar a la ciudadanía d'Asturies que queremos que naza, el proyectu ilusionante.

Pa la realización d'esti programa, los estremaos conceyos van contar con una **metodoloxía** que-yos ayude a trabayar les sos problemátiques particulares nel módulu que vien darréu:

<http://somasasturies.info/wp-content/uploads/2015/01/MetodologiaProgramasParticipativos.pdf>

Nesta fase, que va tener llugar ente'l 19 de xineru (en convocándose l'Alcuentru Ciudadanu Abiertu a nivel municipal) y el 28 de febreru van facese **asamblees en barrios, parroquies y o pueblos del conceyu**. Partirásela del diagnósticu participativu xeneral de los problemes y les necesidaes del territoriu y de la identificación de los axentes claves que participaron en protestes, movilizaciones y desenvolvimientu de propuestes. L'oxetivu d'esta fase ye adaptar esi análisis fechu a nivel de conceyu (en base a los círculos territoriales, sectoriales y los grupos de trabayu de PODEMOS) a les particularidaes de cada barriu o pueblu onde se faigan asamblees presenciales.



Habríen facese paralelamente **xuntes y alcuentros colos axentes claves** (movimientos sociales, asociaciones de vecinos, organizaciones sociales) detectaos nel análisis. Amás de recoyer les sos propuestes, convidarás-yos a asistir a les Asamblees Sociales que van tener llugar a lo llargo del mes de marzu y que han ser un espaciu d'alcuentru dende'l que puean plantegase propuestes y llinies de trabayu pal desenvolvimientu de los programes. Estos axentes clave podrán collaborar después n'acciones llevaes a términu por SOMOS nos meses posteriores.

De la mesma forma, xunto al procesu de recoyida de propuestes polos círculos n'alderiques y xuntes con organizaciones sociales, llevarás a términu un procesu de **delliberación abierta per Internet**, que va culminar con una votación ciudadana pa refrendar el programa. Delles candidatures ciudadanes como Ganemos Zaragoza tán faciendo esperiencias d'alderique collaborativu del programa n'Internet (<http://candidaturas.ganemoszaragoza.com/>).

#### **CUARTU PASU [16 de febreru - 15 de marzu] Conformación de la candidatura y procesu de primaries**

Les **primaries abiertes** van tener llugar ente'l 16 de febreru y el 15 de marzu. Les primaries van ser baxo'l formatu de llistes abiertes, con corrección de xéneru en llistes en cremallera. Ente'l 16 y 22 de febreru van presentase les candidatures. Toles persones tendrán que ser avales presencialmente nel Alcuentru Ciudadanu Municipal, anque l'aval va se automáticu si esa persona cumple col códigu éticu y el respetu de los derechos humanos.

La **campaña de primaries** va llevase a términu ente'l 25 de febreru y el 8 de marzu. Les votaciones van tener llugar ente'l 9 y 14 de marzu. El 15 de marzu proclamaránse les y los candidates/os más votaes/os.

A partir de la proclamación de los resultaos de les primaries (15 de marzu), designarás un **comité de campaña** encargáu de los trámites llegalos, finances y campaña electoral.

#### **QUINTU PASU [1 - 31 de marzu] Sistematización de las propuestes recoyíes y realización d'Asamblees Sociales**

En primer llugar, ente'l 1 y el 15 de marzu va facese la **sistematización de les propuestes recoyíes**, en base a la propuesta de metodoloxía pa la ellaboración de programes electorales (y de gobiernu) participativos. Esti procesu va valir p'apoyar la celebración posterior de les Asamblees Sociales. Tamién valdrá pa treslladar conocencies y propuestes ente los conceyos que vaigan a les elecciones baxo'l nome de SOMOS. Buscarás una coherencia nel programa municipalista nos estremaos conceyos, pudiendo compartir exes y propuestes d'actuación. P'ayudar nesti procesu, ente'l 1 y 15 de marzu tamién van poder facese **Alcuentros Ciudadanos inter-municipales**, ente candidatures de dellos conceyos.

Propuesta de metodoloxía d'ellaboración de programes: <http://somasasturies.info/wp-content/uploads/2015/01/MetodologiaProgramasParticipativos.pdf>

En segundu llugar, ente'l 16 y el 31 de marzu, van tener llugar les **Asamblees Sociales Presenciales**. L'Asamblea Social ye l'espaciu abiertu d'alcuentru ente los círculos sectoriales y territoriales y l'activismu social y ciudadanu qu'acarreta la esperiencia del trabayu a nie de cai y

una de les xeres esenciales; polo tanto'l borrador de programa redactáu asina sométese a análisis y alderique nel senu de l'Asamblea Social, integrada por toles organizaciones sociales del ámbitu territorial que correspuenda.

Paralelamente, tolos programes electorales va incluyir un **plan de viabilidad a tolos niveles** (ámbitu competencial, recursos económicos, recursos humanos disponibles nel ayuntamientu, destinatarios identificaos, implicación d'estos destinatarios cola medida que quier adoptase, etc...) a partir d'una **evaluación de les midíes programátiques**. Los resultaos nel sector públicu nun dependen namás de los productos algamaos, sinon tamién del impactu qu'esos programes y polítiques puen tener na ciudadanía. La evaluación va actuar na *formulación de la propuesta* (seya la que seya la fase onde tea formulada) y na *implementación*, y fadránla los axentes implicaos en cada casu (Asamblees sociales y Alcuentros Ciudadanos). Esta fase sedrá continua en tol procesu d'elaboración del programa polo que va empicpiar el 19 de xineru y va rematar el 21 d'abril. Tres d'ello, dende les instituciones llevaráse a términu una monitorización constante de la puesta en marcha de les midíes incluyíes nel programa electoral, pa evaluar el so cumplimentu, desviaciones y resultaos obteníos. Acordies col compromisu que tenemos adquiríu pa cola ciudadanía, la evaluación de la implementación de midíes polos responsables políticos de SOMOS, fadráse nel senu de los Alcuentros Ciudadanos que se celebren na llexislatura. Existe más información dientro del puntu 3.7 de la propuesta de metodoloxía pa la elaboración de programes electorales.

#### **SEXTU PASU [1 - 21 d'abril] Plebiscitu ciudadanu, midíes de los 100 primeros díes de gobiernu y creación de l'agrupación d'electores y recoyida de firmes.**

Alredor del 31 de marzu va asoleyase nel BOE la convocatoria d'elecciones. Polo tanto, a partir del día siguiente (1 d'abril), entamará'l **procesu de creación de les agrupaciones d'electores**, que finará'l 31 d'abril, fecha tope pa la presentación de candidatures xunto colos avales necesarios. Pa ello fadrá falta cumplir una riestra de requisitos llegalos y atropar un númeru determináu de firmes según el tamañu del conceyu (ver anexu I con modelu pa la recoyida de firmes).

Al empar de la recoyida de firmes, va llevase a términu un **plebiscitu ciudadanu del programa**. Les persones inscrites van poder manifestar el so apoyu o refugu a les principales midíes y exes. Buscaránse vies pa **priorizar 10 exes o propuestas básiques del programa electoral** del ámbitu territorial que correspuenda, que van sometese a un plebiscitu ciudadanu, con meses nes cais y votación on-line. Esti procesu acompañarás d'urnes nes cais pa esparder la participación al conxuntu de la ciudadanía. **Namás van salir alantre aquelles exes del programa qu'algamen un apoyu superior al 50%.**

Nesti periodu va elaborase un documentu resume de **midíes que van tomase nos 100 primeros díes de gobiernu**. L'oxetivu ye facer visible cómo va cambiar a un curtiu plazu la vida de los vecinos del conceyu cola llegada de SOMOS a les alcaldíes d'esos conceyos.

Los requisitos llegalos pa la formación de l'agrupación d'electores van ser los que vienen darréu:

- a. En cada conceyu, a lo menos tres persones roblarán en papel común la so voluntá de promover una agrupación d'electores. Habrá tantes agrupaciones como conceyos onde SOMOS decida finalmente presentase.
- b. Recoyeráse un númeru de firmes de los inscritos nel Censu Electoral del Conceyu,



- ① Nos conceyos de menos de 5.000 habitantes non menos del 1% de los inscritos siempre que'l número de los firmantes seya más del doble que'l de conceyales qu'han escoyese.
  - ① Nos comprendíos ente 5.001 y 10.000 habitantes, a lo menos 100 firmes.
  - ① Nos comprendíos ente 10.001 y 50.000 habitantes, a lo menos 500 firmes.
  - ① Nos comprendíos ente 50.001 y 150.000 habitantes, a lo menos 1.500 firmes.
  - ① Nos comprendíos ente 150.001 y 300.000 habitantes, a lo menos 3000 firmes.
- c. Les agrupaciones d'electores constitúyense namás y exclusivamente pa cada procesu electoral concretu, polo qu'ha procedese a nueva recoyida de firmes pa presentar candidatura en cada nuevu procesu electoral, nun pudiendo entamar la recoyida de firmes primero de la convocatoria electoral, polo que la validez de les actuaciones electorales requier que les mesmes se faigan dientro'l periodu electoral.
- d. Les firmes habrán acompañase de fotocopia del DNI de caún de los firmantes, y la so comprobación fadráse delante de notariu o secretariu municipal (más barato). Presentar la fotocopia del DNI evita la comparecencia personal de los firmantes delante'l fedatariu públicu.
- e. L'agrupación d'electores queda formalmente constituyida cola presentación de la candidatura énte l'Alministración electoral, nun faciendo falta rexistrase como asociación.

Pa la conformación de les agrupaciones d'electores, les estremaes candidatures de SOMOS van cuntar col permanente asesoramientu del Equipu Técticu Llegal.

### **SÉPTIMU PASU [22 d'abril a 24 de mayu] Precampaña y campaña electoral**

En casu de cumplise'l calendariu esperáu y si les elecciones tuvieren llugar el 24 de mayu, el 8 de mayu entamará la campaña electoral, que acabará'l 22 de mayu. Trabayarásen nuna campaña conxunta nos conceyos que se presenten col nome de SOMOS.



ANEXU I

[Documentu modelu pa recoyida de firmes]

## AGRUPACIÓN D'ELECTORES

# SOMOS \_\_\_\_\_

Acordies cola llexislación vixente (art. 187 de la LO 5/1985, de 19 de xunu, de réxime electoral xeneral), doí'l el mio soporte a l' Agrupación d'Electores SOMOS \_\_\_\_\_, pa que puea presentase, nel conceyu de \_\_\_\_\_, nes elecciones municipales de \_\_\_\_\_ de mayu de 2015.

|   |   |              |
|---|---|--------------|
| <p>Primer apellíu:<br/>.....</p> <p>Segundu apellíu:<br/>.....</p> <p>Nome:.....</p> <p>Dirección:.....<br/>.....</p> | <p>Fecha de<br/>nacimiento:.....</p> <p>Númeru<br/>de DNI:<br/>.....</p> <p>Población:.....<br/>.....</p> | <p>Firma</p> |
|---|---|--------------|

ANEXO II

[Cuadru modelu d'autodiagnósticu]

|   |  |   |  |
|---|--|---|--|
| <b>Eje temático: (Derechos sociales, Educación, Urbanismo, etc...)</b>  |  | Fecha (Llugar).<br>Número de<br>personas<br>asistentes  |  |
| <b>¿Qué? (Problemática en barriu, conceyu o CCAA)</b>   | <b>¿Cón quién? (Movimientu o colectivu pa contactar que trabayare esa problemática )</b> | <b>¿Cómo? (Línies d'acción)</b>   | <b>¿Pa qué? (Potenciales soluciones a implementar: surdies n'asamblea y depués de reuniones con vecinos y movimientos implicaos)</b> |
| Derechu a manifestación (Ilei mordaza)  | Redes del 15M que trabayaron esi tema  | Non comunicación de manifestaciones y acciones na cai   | Derogar la llei mordaza y facilitar les movilizaciones ciudadanes  |
| Derechu a vivienda: viviendes sociales vacíes na ciudá propiedá del Principáu d'Asturies (VIPASA), viviendes vacíes de los bancos | PAH<br>Asociaciones de vecinos   | Acciones contra VIPASA<br>Señalizar (y/o ocupar) viviendes vacíes<br>Mapa de les viviendes de los | Parque públicu de vivienda.  |